

Privredno društvo za proizvodnju i transport gasa

"BH-Gas" d.o.o.Sarajevo

Broj: 01-EU-0402-1035

Sarajevo, 17-03-2018

Na osnovu člana 69. Stav 1. tačka (b), stav 2 tačka (d) i članu 70., Zakona o javnim nabavkama BiH (Sl. glasnik BiH br. 39/14), te na osnovu člana 51. Statuta „BH-Gas“ d.o.o. Sarajevo Ugovorni organ donosi,

O D L U K U

o poništenju postupka javne nabavke za nabavku nove ukopane referentne elektrode u Krivoglavcima

Član 1.

Poništava se postupak javne nabavke putem konkurentskog zahtjeva za dostavu ponuda, broj: 876-7-1-3-3-1/18, Nabavka nove ukopane referentne electrode u Krivoglavcima, a iz razloga što primljena ponuda nije prihvatljiva.

Član 2.

Shodno članu 70. stav 6. Zakona o javnim nabavkama BiH, Odluka se objavljuje na internetskoj stranici BH-Gas-a i to istovremeno sa upućivanjem Odluke o poništenju ponuđaču koji je učestvovao u postupku javne nabavke.

Član 3.

Ova odluka stupa na snagu danom donošenja.

O b r a z l o Ź e n j e

Postupak javne nabavke usluga putem konkurentskog zahtjeva za dostavu ponuda za nabavku nove ukopane referentne elektrode, pokrenut Odlukom o pokretanju postupka broj: 01-AM-0402-3585/17 od 13.09.2017. godine. Ugovorni organ je 08.12.2017. godine, objavio obavještenje o nabavci na Portalu javnih nabavki broj: 876-7-1-3-3-1/18.

Ponudu je blagovremeno dostavio slijedeći ponuđač:

- Deling d.o.o. Sarajevo je dostavio ponudu u ukupnoj vrijednosti od 8.503,00 KM bez PDV-a, odnosno 9.948,51 KM sa PDV-om. Rok plaćanja je 30 dana od prijema fakture. Rok isporuke i ugradnje je 30 dana nakon obostranog potpisa ugovora. Garancija na ugrađenu opremu je 24 mjeseca.

Komisija za nabavku izvršila je otvaranje, pregled i ocjenu primljene ponude i utvrdila da dostavljene ponude ne ispunjavaju tražene uslove iz tenderske dokumentacije, zbog čega je ocjenjena kao neprihvatljiva.

Detaljnim uvidom u ponudu ponuđača Deling d.o.o. Sarajevo, Komisija je ustanovila slijedeće:

-da je ponuđač u svojoj ponudi dostavio Izjavu o sukladnosti izdatu od proizvođača PA-EL d.o.o. Veliko Trgovišće, ali da ista nije potpisana od strane ovlaštenog lica proizvođača i da nije ovjerena. Ponuđač je također dostavio u svojoj ponudi kopiju Svjedodžbe o sigurnosti elektroinstalacijskih proizvoda, izdatu od strane Zavoda za ispitivanje kvalitete, koja također nije ovjerena, s toga isti dokazi nisu mogli biti prihvaćeni.

Obzirom na navedeno Komisija za javne nabavke nije mogla utvrditi da li se radi o vjerodostojnim dokumentima.

Na osnovu svega navedenog Komisija predlaže Upravi Društva da se postupak poništi u skladu sa članom 69. Stav 2), tačka (d), jer primljena ponuda nije prihvatljiva, te da se započeti postupak ponovi.

Shodno navedenom odlučeno je kao u dispozitivu ove odluke.

Pouka o pravnom lijeku:


Protiv ove odluke može se uložiti žalba u roku od 5 (pet) dana od dana prijema iste sukladno članu 101. Stav (1) pod d. Zakona o javnim nabavkama BiH. Žalba se podnosi neposredno na adresu ugovornog organa: BH-Gas d.o.o. Sarajevo, ul. Obala Kulina bana 8/III, 71 000 Sarajevo, u najmanje 3 (tri) primjerka.

Dostaviti:

- ponuđačima
- ekonomsko finansijskom sektoru
- a/a

UPRAVA BH-GAS D.O.O.

IZVŠNI DIREKTOR


Haris Hrnjić



DIREKTOR


Jasmin Salkić